



24. august 2018

UKA2018/92

Inatsisartut suleriaasianni §36 naapertorlugu matumuuna Inatsisartuni apeqquteqaat aallaavigalugu oqallisissatut siunnersuut imaattoq saqqummiuppara:

Angallatit nuannaariutit pillugit aammalu angallatinut nuannaariutinut tamanut isumannaallisaanermut ajunaalernermullu atortoqarnissamut piumasaqaateqalernissaq pillugu imaani isumannaallisaaneq pillugu apeqquteqaat aallaavigalugu oqallinnissamut siunnersuut.
(Inatsisartunut ilaasortaq Aleqa Hammond, Nunatta Qitornai)

2017-imi inuit 17-it nunatta imartaani ajunaarput. Ineriartorneq aarlerinarpoq, tassami 2016-imut sanilliullugu toqusut amerleriarsimammata.

Angallatit mikinerusut atorlugit angalanneq annertusiartorpoq, ingammik angallannerup tungaatigut kiffartuussinissamik isumaqatigiissut pitsaanngitsaq ajorluinnartorlu eqqarsaatigalugit. Innuttaasut ajoraluartumik angallatit mikisut atorlugit imaatigut angalasariaqarput, taakkulu immaqa isumannaallisaanermut annaassiniarnermullu atortulersorneqarnerat pitsaasarnani.

Torrutiinnarlugu oqartoqarsinnaagunarpoq Namminersorlutik Oqartussat inuit imaani isumannaarsorluarneqanngitsumik angalanissaannut pinngitsaaliisoq, naak oqartussat tamanna akisussaaffingikkaluarat, kisiani akit angallassisarnerullu akulikissusaat peqqutigalugu allatut angalanissamut periarfissat atorneqartariaqartarmata.

Imaani isumannaallisaaneq pillugu oqartussaaffiup sumiinneranut imaani ajutoornerit ajunaarnerillu annikillisarneqarnissaannut eqqummaarinnerq pingaartitsinerlu aalajangiitigaa?

Naalackersuisut qanoq iliuuseqalersaarpat angallatit mikisut minnerusullu, isumannaallisaanikkut annaassiniarnermilu naammaginatut atortulersugaanngitsut, atorlugit imaatigut angallannerup annertusiartuinnarnera eqqarsaatigalugu?

Imaani isumannaallisaanermut tunngasut pillugit inatsisit Naalackersuisuniit misissuataarniarnerqarnerlutik, taamaasilluni angallatinut nuannaariutinut mikinerusunut mikisunullu, inunnik assartuutigineqartunut, atortut sakkullu isumannaallisaatit atorneqarneri piumasaqaatinngortillugit?

Naalackersuisut imaani toqusartut pinngitsoortinniarlugit sunik iliuuseqarpat? Naalackersuisut danskit oqartussaasuinut imaani isumannaallisaaneq pillugu sunik oqaloqatigiinnissuteqarpat?

Oqartussat susassaartut imaani ajutoortarnerit toqusoqartarneralu pinngitsoortinniarlugit iliuuseqarpat?

Nunatta Qitornai

Inatsisartuni



Naalakkersuisut imaani isumannaallisaanermut oqartussaaffiup tiginissaa qaqugu pilersaaruti-gaat? Tassunga atatillugu sunik pilersaaruteqartoqarpa iliuuseqartoqarlunilu?

Tunngaviusumik isummernissaq

Inatsisitigut oqartussaasut, kikkut suppat? Qaqugukkut iliuuseqartussaappat?

Imaani toqusoqartarnera ajutoortoqartarneralu pillugit iliuutsit suuppat.

Ajunaalernermi isumannaallisaanermilu atortoqannginneq annaassiniarnerpassuarnut peqqutaasarpog, tamannalu sulisutigut aningaasatigullu atuiffiorujussuuartarpoq. Taamaattumik imaani isumannaallisaaneq piumasaqaateqarnissallu pingaaruteqarput, ajornartorsiutaasoq alliaartuin-nassangippat. Ujaasinerit annaassiniarnerillu ikilisinneqarsinnaappat isumannaallisaanermut annaassiniarnermullu atortoqarnissamik inatsisitigut piumasaqaatit eqqunneqarnerisigut?

Apeqquteqaat aallaavigalugu oqalinnermi ajornartorsiutaasut oqaluuserineqarnissaat anguniar-neqarpoq, aammalu aaqqiissutaasinnaasut oqaluuserineqarlutik, taakkulu imaani isumannaalli-saanermut inatsisit atuuttut sammineqassapput. Siunnersuuteqartup apeqquteqaat aallaavigalugu oqalinnermi suliami kalluarneqarsinnaasut tamarmik tikillugit oqaluuserineqarnissaat anguniar-paa.